



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 561 Usque Ad Annum 633

**Fleury, Claude**

**August. Vind. [u.a.], 1759**

**VD18 90117832**

§.25. S. Hospitius Anachoreta.

---

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VI.  
A. C. 574.

§. XXV.

*S. Hospitius Anachoreta.*

*Greg. IV.*  
*hist. c. 39.*  
*Mar. Avent.*  
*Chr.*

Postquam Longobardi in Italia Sedem fixerant, in Gallias quoque sub tribus Ducibus Amo, Zaban & Rodan irruerunt. Amo viam, qua Embrodunum tenditur, ingressus est, Zaban per Civitatem Diam usque Valentiam penetravit. Rodan prope Gratianopolim castra posuit. Diu Barbari hospites in Monasterio Aganiensi seu S. Mauritii, diveterunt, anno octavo post Consulatum Imperatoris Justinii Indictione septima seu anno 574. at a Francis fortiter repellentur. Amo totam Regionem Arelatensem, quam Provinciam dicimus, vastavit.

*Greg. VI.*  
*c. 6.*

In ea Provincia prope Niceam ad Varum degebat S. Hospitius, a multis jam annis inclusus in Turri, quæ non habebat portam, sed tantum fenestram, unde se conspiciendum præbebat. Corpus ligaverat catenis ferreis, atque Cilicium super induerat, solo pane & paucis dactylis reficiebatur. In Quadragesima nullo cibo nisi radicibus, quas ipsi mercatores ex Ægypto afferebant, victitabat. Adventum Longobardorum in Galliam, ut isto flagello peccata populi punirentur, prædixit, consiliumque suppeditavit Incolis, ut securitatis causa

res

res suas in urbes mœnibus claufas defer- Sæculum VI.  
rent, & se ipsos in loca munitiora reci- A.C. 574.  
perent. Ad Monachos vero dixit: *Vos  
quoque fugite, & quæ habetis auferte vo-  
biscum, nam Gens illa, de qua locutus  
sum, imminet cervicibus vestris.* Re-  
sponderunt: *Sanctissime Pater! non de-  
seremus te.* Ipse: *Nolite mihi timere,  
me male habebunt, sed non occident.*

Monachis recedentibus, adveniunt  
Longobardi, atque populando omnia lu-  
strantes etiam in Sancti Viri Cellam in-  
ciderunt. Ipse e fenestra prospexit; at  
illorum duo, quia turrim circumeuntes  
nullum invenire poterant ostium, ascen-  
su tectum superarunt, & dejecerunt;  
tum videntes virum catenis vinctum di-  
xerunt: *Latro est.* Et advocato Inter-  
prete jusserunt quærere, cujus criminis  
reus esset. Vir Sanctus Homicidam se  
esse confessus est, & omnis generis sce-  
lerum reum. Longobardorum aliquis  
educto gladio caput loquentis fissurus  
erat. At ecce! immobilis, ut erat ex-  
tensa, hæsit dextera, nec potuit retrahi.  
Excidit ferrum, conclamant socii, & S.  
Hospitium interrogant, quid factu opus  
esset. Vir Sanctus formato Crucis Si-  
gno manum Longobardi, percussoris sui,  
sanavit. Is tota mente conversus vo-  
luit sibi capillos abscindi, & in eodem  
loco Monachum induit. S. Hospitius  
*Hist. Eccles. Tom. VIII.* F plura

Sæculum VI.  
A. C. 574.  
plura alia edidit Miracula. Cuidam coeco nato lumen dedit. Alium etiam incolumem præstitit, Pirum nomine, surdum & mutum, Patria Andegavensem, a quo omnia, quæ refert, Gregorius Turonensis accepit. Hospitius post paucos exinde annos e vivis abiit, ejusque  
*Mart. Rom.*  
*21. Maji.* Memoriam 21. Maji colit Ecclesia.

## §. XXVI.

*Gregorius Episcopus Turonensis.*

*vit. init. edit.*  
*1699. Mart.*  
*Rom. 4. Aug.*  
Interim Gregorius non diu abhinc, tempore quo Longobardi irruerant, Episcopus Turonensis ordinatus fuerat. Euphronius Antecessor ejus obierat anno Sigeberti Regis duodecimo [JESU Christi 573. quarta Aug. qua die Ecclesia ipsius Memoriam colit. Populo Turonensi ad eligendum Episcopum congregato cæteris omnibus communi consensu prælatus est Gregorius, jam antea in hac urbe notus, quo sæpe venerat Reliquias S. Martini veneraturus; multa etiam ab ipso præclare gesta fama vulgaverat. Generis ejus nobilitatem, Scientiam, Pietatem, & quod Principibus carus esset, non ignorabant. Ergo omnes, Clerici, Nobiles, populus illius Civitatis, & agricolæ Gregorium Episcopum deprecari. Mittuntur Legati ad Regem Sigebertum, ad cujus Ditionem Civitas Turonensis pertinebat, & ecce